

29 Mei 2026
KENYATAAN MEDIA

Untuk Siaran Segera

PUSPAKOM Perkukuh Pelaksanaan Pelabelan Wajib Kenderaan Import (CBU) Demi Mempertingkatkan Pematuhan dan Perlindungan Pengguna

- Pelabelan wajib VTA merupakan mekanisme penting bagi mengesahkan pematuhan, melindungi pengguna serta memastikan hanya kenderaan import (CBU) yang sah dan mematuhi piawaian sahaja dibenarkan berada di jalan raya Malaysia

SHAH ALAM, Jumaat, 29 Mei 2026 – PUSPAKOM Sdn Bhd (“PUSPAKOM”) hari ini menegaskan semula kepentingan pematuhan terhadap keperluan pelekat pelabelan produk **Vehicle Type Approval (“VTA”)** bagi semua kenderaan **Completely Built-Up (“CBU”)**, selaras dengan peraturan yang dikuatkuasakan oleh Jabatan Pengangkutan Jalan (“JPJ”) sejak 2014 dan diperkemas pada 2016 bagi meningkatkan ketelusan, pematuhan serta perlindungan pengguna dalam ekosistem automotif negara.

Peringatan ini susulan satu kes terkini melibatkan kenderaan CBU yang gagal pemeriksaan di sebuah cawangan PUSPAKOM kerana tidak mempunyai pelekat pelabelan VTA yang diwajibkan. Keperluan ini adalah berdasarkan arahan JPJ susulan Mesyuarat Jawatankuasa Kebangsaan VTA dan Homologasi Bil. 3/2014, dengan penguatkuasaan penuh bermula 1 Julai 2014. Prosedur pemeriksaan pelabelan tambahan bagi kenderaan import pula dikuatkuasakan mulai 1 Januari 2017 di bawah rangka kerja VTA Malaysia, selaras dengan peraturan kenderaan Pertubuhan Bangsa-Bangsa Bersatu (“PBB”).

Pelekat pelabelan VTA berfungsi sebagai mekanisme pengesahan penting yang memaparkan maklumat kelulusan serta pematuhan teknikal, sekali gus memastikan kenderaan memenuhi piawaian keselamatan dan peraturan yang ditetapkan pihak berkuasa. Walaupun keperluan ini telah lama berkuat kuasa, PUSPAKOM menekankan bahawa tahap kesedaran dan pematuhan berterusan amat penting seiring perkembangan transaksi pemilikan kenderaan, aktiviti import serta penguatkuasaan di lapangan.

MENINGKATKAN KETELUSAN DAN KEYAKINAN PENGGUNA

Pelekat VTA memberikan maklumat segera kepada pemilik dan bakal pembeli mengenai status kelulusan serta asal-usul kenderaan. Ini penting khususnya bagi membezakan kenderaan CBU dengan kenderaan pemasangan tempatan (*Completely Knocked-Down* atau CKD), yang mempunyai implikasi berbeza dari segi peraturan, percukaian dan pematuhan.

Selain itu, pelabelan ini turut memainkan peranan dalam:

- Mengesahkan ketulenan kenderaan serta mengurangkan risiko kenderaan tidak sah atau “half-cut”
 - Menyokong penilaian dan perlindungan insurans yang lebih tepat
 - Memberi jaminan pematuhan terhadap piawaian keselamatan dan teknikal negara
 - Membantu pengguna membuat keputusan pembelian yang lebih tepat dan berinformasi
-

MENYOKONG PENGUATKUASAAN DAN PEMATUHAN PERATURAN

Pelabelan yang seragam turut memudahkan agensi penguat kuasa menjalankan pengesahan semasa pemeriksaan dan operasi jalan raya, termasuk memastikan pematuhan terhadap Permit Import (AP), peraturan perdagangan serta struktur percukaian yang berkaitan.

Menurut PUSPAKOM, pematuhan terhadap keperluan pelabelan ini menyumbang kepada pasaran automotif yang lebih telus dan berintegriti, sejajar dengan usaha negara dalam memastikan keselamatan pengguna jalan raya terus terpelihara.

MEMUDAHKAN PROSES PEMERIKSAAN DAN PEMILIKAN

Sebagai syarikat pemeriksaan kenderaan nasional, PUSPAKOM memaklumkan bahawa dokumentasi kenderaan yang lengkap dan mematuhi keperluan, termasuk kewujudan pelekat VTA, dapat membantu melancarkan proses pemeriksaan. Pemeriksaan PUSPAKOM adalah diwajibkan bagi:

- Pertukaran hak milik kenderaan terpakai
- Pembaharuan kelulusan kenderaan perdagangan (setiap enam bulan)
- Kenderaan dengan cukai jalan tamat tempoh melebihi tiga tahun
- Kenderaan yang diubah suai (contohnya pertukaran enjin atau casis)
- Kenderaan import baharu dan terpakai sebelum pendaftaran

Bagi kenderaan CBU khususnya, kelulusan dan pelabelan yang lengkap menunjukkan bahawa

kenderaan tersebut telah melalui penilaian kawal selia yang diperlukan, sekaligus memudahkan proses pengesahan semasa pemeriksaan.

TANGGUNGJAWAB BERSAMA DALAM EKOSISTEM AUTOMOTIF

PUSPAKOM menyeru semua pihak berkepentingan termasuk pengimport, pengedar, pengedar sah serta pemilik kenderaan untuk memastikan pematuhan sepenuhnya terhadap keperluan pelabelan VTA.

Ketua Pegawai Eksekutif PUSPAKOM, Mahmood Razak Bahman, berkata pelabelan kenderaan yang jelas dan teratur adalah penting dalam memastikan akauntabiliti serta mengekalkan keyakinan dalam industri automotif.

“Pematuhan bukan sekadar memenuhi keperluan peraturan, tetapi merupakan tanggungjawab bersama dalam memastikan ketelusan, keselamatan dan kepercayaan dalam ekosistem automotif. Pengguna berhak mengetahui status sebenar kenderaan yang dibeli, dan pelabelan yang betul memainkan peranan penting dalam melindungi mereka daripada risiko kenderaan tidak mematuhi peraturan,” kata Mahmood.

MEMPERKUKUH INTEGRITI PASARAN

Penguatkuasaan berterusan serta peningkatan kesedaran terhadap keperluan pelabelan VTA turut menyokong matlamat negara yang lebih luas, termasuk:

- Memastikan amalan perdagangan yang adil selaras dengan kerangka seperti perjanjian ASEAN
- Menjamin pematuhan terhadap struktur percukaian dan import
- Memelihara integriti pasaran automotif Malaysia

PUSPAKOM komited untuk terus bekerjasama rapat dengan pihak berkuasa dan pemain industri dalam memperkukuh pematuhan serta meningkatkan kesedaran awam demi kepentingan semua pengguna jalan raya.

- TAMAT -

LAMPIRAN GAMBAR

No & Nama Fail	Gambar	Kapsyen
1. VTA-CBU Labelling Sticker-2026-05-28.jpeg		Pelabelan wajib VTA merupakan mekanisme penting bagi mengesahkan pematuhan, melindungi pengguna serta memastikan hanya kenderaan import (CBU) yang sah dan mematuhi piawaian sahaja dibenarkan berada di jalan raya Malaysia



Ahli Kumpulan **DRB-HICOM**

UNTUK MAKLUMAT LANJUT SILA HUBUNGI:

Siti Khairuddin

Ketua Komunikasi Pemasaran & Pembangunan Perniagaan
PUSPAKOM Sdn Bhd
Tel: 03 - 2052 7769
H/P: 012 - 382 8550

Azimy Wan Ahmad

Ketua Komunikasi & Penjenamaan
Bahagian Komunikasi Pemasaran dan Pembangunan Perniagaan
PUSPAKOM Sdn Bhd
Tel: 03 - 2052 7322
H/P: 019 - 286 1486

Nik Haizan Nik Zambri

Pengurus Komunikasi & Penjenamaan
Bahagian Komunikasi Pemasaran dan Pembangunan Perniagaan
PUSPAKOM Sdn Bhd
Tel: 03 2052 7547
H/P: 012 - 262 0114

MENGENAI PUSPAKOM SDN BHD

PUSPAKOM Sdn Bhd (PUSPAKOM) merupakan syarikat pemeriksaan kenderaan berlesen pertama di Malaysia dengan pengalaman operasi melebihi 30 tahun dalam industri automotif negara yang kini diliberalisasikan. Peranan utamanya adalah memastikan kenderaan berada dalam keadaan selamat digunakan di jalan raya serta mematuhi piawaian keselamatan dan pelepasan yang ditetapkan oleh kerajaan, sejajar dengan usaha meningkatkan keselamatan jalan raya dan kelestarian alam sekitar.

PUSPAKOM mempunyai rangkaian operasi yang meluas di seluruh negara dengan 53 pusat pemeriksaan serta 30 tapak lawatan khusus bagi kawasan luar bandar, yang dilengkapi teknologi diperakui dan dikalibrasi. Bagi memenuhi keperluan pengguna moden dan pengendali kenderaan komersial, PUSPAKOM turut menyediakan perkhidmatan Pemeriksaan Bergerak melalui 10 trak bergerak, 36 van bergerak dan 4 unit ringan, yang menawarkan perkhidmatan di lokasi termasuk pemeriksaan awal dan berkala bagi kenderaan komersial serta urusan tukar milik dan pembaharuan cukai jalan bagi kenderaan persendirian.

PUSPAKOM terus komited dalam memacu inovasi digital dan kecekapan operasi dengan menyediakan perkhidmatan pemeriksaan yang pantas, profesional dan mudah diakses melalui platform bersepadu. Maklumat lanjut serta tempahan pemeriksaan boleh diperoleh di www.GiCheck.my.

FAKTA PUSPAKOM

PENGENALAN

PUSPAKOM Sdn Bhd merupakan syarikat pemeriksaan kenderaan berlesen pertama di Malaysia dengan pengalaman lebih 30 tahun dalam menyediakan perkhidmatan pemeriksaan kenderaan di seluruh negara, selaras dengan perkembangan industri automotif yang diliberalisasikan.

MANDAT TERAS

- Menjalankan pemeriksaan kenderaan bagi memastikan kelayakan di jalan raya
- Memastikan pematuhan terhadap piawaian keselamatan yang ditetapkan Kerajaan
- Menyokong kelestarian alam sekitar melalui ujian pelepasan

RANGKAIAN NASIONAL

- 53 Pusat Pemeriksaan di seluruh Malaysia
- 30 Tapak Lawatan bagi kawasan luar bandar dan terpencil
- Liputan menyeluruh bagi memastikan akses perkhidmatan di seluruh negara

PERKHIDMATAN PEMERIKSAAN BERGERAK

PUSPAKOM menyediakan perkhidmatan pemeriksaan di lokasi untuk pelanggan komersial dan persendirian:

- **10 trak bergerak - (Untuk syarikat yang mempunyai kumpulan kenderaan besar.)**
 - o Sasaran: armada komersial dan pelanggan korporat
 - o Perkhidmatan: Pemeriksaan Awal, Pemeriksaan Berkala, Pemeriksaan Sewa Beli (B7)
- **36 van bergerak - (Untuk pemilik kenderaan persendirian)**
 - o Sasaran: pemilik kenderaan persendirian
 - o Perkhidmatan: Pemeriksaan Tukar Milik, Pembaharuan Cukai Jalan, Pendaftaran Kenderaan Import
- **4 unit ringan**
 - o Menyokong keperluan penugasan fleksibel dan pantas

PERKHIDMATAN NILAI TAMBAH (Ancillary Services)

PUSPAKOM menawarkan pelbagai perkhidmatan sampingan yang dirancang bagi menyokong keperluan komersial, operasi serta penglibatan pelanggan, termasuk:

- **Perkhidmatan Pengiklanan dan Sewaan Ruang**
 - Pelbagai pilihan pengiklanan dan sewaan ruang yang komprehensif, disesuaikan mengikut keperluan pemasaran. Ini merangkumi penempatan luar berimpak tinggi serta pendedahan di lokasi dan secara mobil, bagi memberikan keterlihatan yang disasarkan kepada pelanggan di seluruh rangkaian PUSPAKOM di seluruh negara
- **Perkhidmatan Insurans Kenderaan dan Pembaharuan Cukai Jalan**
 - Perkhidmatan pembaharuan insurans kenderaan dan cukai jalan yang mudah dan pantas, bagi meningkatkan pengalaman pelanggan melalui penyediaan penyelesaian nilai tambah yang lancar di semua titik sentuhan PUSPAKOM
- **Perkhidmatan Perundingan Pengurusan Kenderaan (VMCS)**
 - Program latihan dan kesedaran yang berstruktur, bertujuan meningkatkan aspek keselamatan kenderaan, pematuhan peraturan serta kecekapan operasi bagi organisasi yang menguruskan armada kenderaan, selain turut memberi manfaat kepada orang awam

AKSES DIGITAL DAN TEMPAHAN

- Laman web rasmi: www.puspakom.com.my
- Tempahan dalam talian melalui www.GiCheck.my
- Tempahan pukal dan korporat melalui: marketing@puspakom.com.my

KEUPAYAAN DAN STANDARD

- Penggunaan peralatan pemeriksaan yang diperakui dan dikalibrasi
- Pematuhan kepada rangka kerja kawal selia dan standard yang ketat
- Pelaksanaan protokol pemeriksaan yang seragam di seluruh negara

SEGMENT PELANGGAN

- Pemilik kenderaan persendirian
- Pengendali armada komersial
- Syarikat logistik dan penghantaran
- Pengangkutan awam termasuk bas dan teksi
- Pemandu e-hailing
- Institut memandu
- Pengedar dan pengimport automotif

KOMITMEN PERKHIDMATAN

- Penyampaian perkhidmatan yang pantas dan cekap
- Tenaga kerja pemeriksa yang profesional dan terlatih
- Akses perkhidmatan yang lebih luas melalui saluran fizikal dan bergerak

FOKUS STRATEGIK

- Memperkukuh keselamatan jalan raya di peringkat nasional
- Menyokong pematuhan terhadap keperluan alam sekitar
- Memperluas integrasi digital dan akses perkhidmatan
- Meningkatkan kecekapan operasi dalam landskap industri yang diliberalisasikan